

GOLFINA

JITA TAYAKATAERI JIRUPARHA



#Contigo

GOLFINA HILOS DE PLATA

GOLFINA

JITA TAYAKATAERI JIRUPARHA

GOLFINA

JITA TAYAKATAERI JIRUPARHA

Takukukata tanakuecha: Mítia Cheeti Sesiikuechani K'uiripueri Kuajchaperat'a.

Volumen 3: GOLFINA JITA TAYAKATAERI JIRUPARHA

Neenka Uka. ©Urejštsîkukua Iretecheeri Sesiikua K'uiripueri Kuajchaperat'a.

Fernando Motes de Oca miiukua lumu ekuatîa iumu tanimuehu.

Uékumatini isî Chapultepec Norte Michoacani, Mejiku.

ISBN: 978-607-26503-0-5

Takukukata uretku Uérakua: 2022.

Úkata Mejiku anapu/ Impreso en México

Autora e ilustradora: Silvia Elena Gómez Mondragón

Traductor: Amaruc Lucas Hernández

No usîndi atarakuaerintan i takukukata, jimánku enka jurhamkua karhakata arhijka, nauékasî indeeri p'itákata ambe, etsákukua ambe, uandakua jimbo etsakuni ka mójtakuni ambe ma takukukateri no sesiikua pertarini iméchani jinkuni nénkaksî uka.



KUARI

Hendi, ji Kuariska, P´urhé marikua sapichu ma enka kanekua ts´itijka eska tumbi ka marikua sapirhaticha ixo Michoacán anapu minharhikuakajtsini ka ijche iamentuecha xanarani ka mitenche naénaski ka ampeski K´UIRIPUERI K´UAJPEKUECHA.

Jucheti jakankurhikua p´úrhépecha jimpo arhikuekasintini “kuajperi”,
ka kanekua tsipesinka isi arhikorheni.

Uekasinkani cheti pichpirieni ka isikení úni p´imarhini eskare uénaka miteni ampe uantantskuechani kurhankuapariani jimankare úaka chéti tua anapu ampe jorhenkorheni, cheti mimixekueri ampe ka istu cheti kuajpekuechani ka nánare úraua mentku isi tsipeparini, jimpokani isi eratsesinkani enkare miteaskia ka nánaere úraua, iamentu k´uiripu enkaajtsini uanantarijka úakajche santeru sesi tsipekorheni ka sesejche irekorheni nomentu ampe uantaneatechani jinkuni.

COMISIÓN ESTATAL DE LOS DERECHOS HUMANOS ixo Michoacán anapu ka Kuari arhisintiksini eskajtsi sesi terutsemakani.


CUTÚ GOLFINA

Hendi, ji Golfinaeskani, cutú ma enka jampkani k'eri japondarhu, enka kueranhajkani jima jamukuteni enka arhikorhekani Ixtapilla ka Cocola Michoacán anapu. Ji sesĩ jamasĩnkani ka nompe utatspesĩnkani, ka juparhaskani ma kaparhakua uirhipiti, antsikurhiri máeskani enkani jucheti xerekuani jini inchaskujka ka tátsekua japondarhu inchamintasĩka.

Ka kanekua ts'itisĩnkani irekani materuechani jinkuni, isĩ jimposĩni uanekua jinkuni jampkani k'eri japondarhu, japondarhu anapu amanhejchakua tsitisĩnka, ka kuruchechani ka uitsakuechani.

Nompe utatspesĩnkani ka niasasĩnkani irekani. T'ámu ekuatse o máteru xánteru uéxurhini jamperi, Kuájpirini kanekua ka mandani pauani jijtuni isĩ úakani irekani ixo chunksĩni jinkuni.






¿Úskire minharhikuni Nana Kutsini?

¡Ima mere meresintini! Ka mandani churi santeru enka uiripiti
úkorheni jauaka-mentkiski ma erantutarakua jucheti k' uikuarhu.

¿Uekasinti miteni andisi Nana Kutsi xani meremerekujki?

Ixo uetenhasintini imeri uantantskua.

Churekua jimpoechani jima jamukuteni Cocola arhikata Michoacán anapu,
peuajpenasti ma cutú enka arhikorhekani “GOLFINA JITA TAYAKATAERI
JIRUPARHA” ka isï arhiranapstini jimpoka imeri kaparhatamparhu uitsakua
k’uiripeparasïamptini meremeresï jarhati ka enkaksï itsïni jinkuni
iekorheampkani santeruksï meremeresïramptini.



Ka nitamapastinia 10, 20, 30 uexurhini. tempeni uésurhini,
ka ma ekuatse tembeni uéxurhini jamperi
Ka ima uitsakua enka jima ueparhampka mesanksi santeru
k'uiripesiamptini ka isi jimpoksisi imeri pampiricha
ka pichpirimpencha k'urhamarhikorheamptiksi
¿Andiksi imani isi kontperapini ka isi imeni jarhati k'uiripeparhani?
Xaninha eratséntani, Golfinana miantasptini eskanha ima ka iamentu
cutúecha enkaksinha peuajpenajkani niarasiramptiksinha kapentu
jimpo k'eri japondarhu, churekua jimpo, ka isiksinha xarhiasiramptini
iauani iauani antamerani, kapentu ka nonemanha jupijtatiani.




Ka nitamaspstinia tembeni uéxurhini ka tsimani ekuatse
uéxurhini jamperi.


Ka jimajkani Golfina juramukorhepsptini eska intskupirinkani sani
imeri meremerexekua Nana Kutsini ka isi upirinka santeru
uinhnharhini ka Aureliani ka iamentu chakisichani, casiperapani
eska k'erati manakorhericha enkaksi iauani
uamekuarhu t'imi jarhajka.



Ka nitamasptinia tempeni uéxurhini, ka ma ekuatse
tembeni uéxurhini jamperi

Ka Golfina untapstini korhokani eska imeri jita tayakataeri
noteru xani uinhanharhiampkania, ka eska untasiampkia
mirikurhini ampe, xanimentu isi eska noteru miauampkia nánisi
nipirini imeri kuaxantechani tuskuani, jima enka kueranapkani,
ka nánasi arhikorhepini.






Ka nitamaspstinia tempeni uéxurhini, ka tanimu
ekuatse uéxurhini jamperi

Enka jima k'eri japonda jauamekuarhu; jamani japtini
ma k'eri uantijperi, Ahxok arhikata, Golfinaninhasi
uekamptini uantikuni ka ántani, mitetixaptina eskana
noteru uinapepkania ka úni xarhiani, kuataraptina ia
ka isi menchani ichajtsikuni jarhamptinia japondarhu,
kaxurhakuempecha noteru uinapepstinia jimposi náki
uekini ZAZ! Ántapirintini ima ajejpiti.

Ka nitamasptinia tempeni uéxurhini, ka tsimani ekuatse
tembeni uéxurhini jamperi
Ka Golfina ka kutsimiti cutúecha, mantani pauani santeru
ts'inchetini jamaptini, isi jimposi Aurelia, imanki
juramukuauampka uantapstini eska ima kuajpeapirinka
iamentuechani, ima mitespti nana kuajchakuaani:

- Exeapariani
- Kurhachakuapariani
- No arhijchakuapariani
- Kuataratiichani ka p'amenchatiihani patsataparhiaani




Nantikare Golfinaeni jasi ma exentaaka enka miájka sési
jarhoatakorheni ná uéjki mískorheta ampe jatsini.

Ka nitamasptinia tempeni uéxurhini, ka t'ámu ekuatse uéxurhini jamperi

Ka Aurelia jirinhakuaspti Golfinani ka iámentu kutsimiti cutúechani nani enkaksí sési japirinka:

- Jimankaksí sesí P'ikuarerapirinka
- Sipiata ampe enka sesí korhostapirinka
- Ka jima enka noma ampupirinka niarani apejpitiicha, Ahxok arhikata
- Ka santeru jukaparhakua, jukantperakua ka pamperakua iamentu imaecha.



Ka nitamasptinia tempeni uéxurhini, ka jukari t'ámu
ekuatse uéxurhini jamperi

Ka ima ajejpiti tiburón Ahxok, kentikupstini jima enkaksï
japkani “kutsïmiti cutúecheri irekuarhu” enka medusecha
kuajpiampkani y chekamentuecha, jimpoka ts'
imi kaxurhakua kachuntikukuapskani.

..... joperu imeri Golfinaneri jita tayakata jimajkamani noteru
tixarasïamptia, arhinchasïrampatia eska uarhipirinkia.




Ka nitamasptinia tempeni uéxurhini, ka iúmu ekuatse uéxurhini jamperi


Iamentu Chakisichaksí Golfinani pántspti jini enka kueranhapkani Cocola,
jimpoka isí uantanhasĩnkani eska ma cutú mentku p'irani

k'uanatsentaakani jima enka jueránapka.

Imeri tayakateri jita meremerexekua ts'ítaaspti

.... patakorhestia.







Joperu jurajkustini ma k'eri jorhentperakua, Chakisicha, Aureliamentu ka Nana
Kutsi, meiamuntasintini jimpokaksï imani jimpö úsinka meremeresï jaxeni,
erantutajpeanksï mantani pauani iamentu tsimani cutúechani enkaksï
kueranhajkani jamukuteni isï Michoacani anapu.
;Ka nitamasptinia tempeni uéxurhini, ka iúmu ekuatse,
ka uáni uéxurhini jamperi!
lauani jamperi kénchentsï ka jóskueni tixara, Golfina tayakateri
jita jukari ka ístu tetekasï mintsita jukari.



¿Mitespire eska?



- K´erati kutúecha eska k´uiripu tata k´erituecha jatsiska kuajpekuechani:
- Eskaksï tsípekua jinkuni káuaka
- Eska k´erati juramuticha kuajpeauaka, majkuempechani ka istu iamentu k´uiripuni. Eskaksï nóne uantikuauakani eska ima Ahxok ajejpiri.
- Eskaksï sesï kauakani ka eskaksï kurhankukuauakani.
- Eskaksï tsinanhaaka, t´ireráka ka eska noma ampe kueratancháka.
- Eska exenhantáka enka nonema uekaska exentani eska Golfinani ka eska exentáka ma k´umanchekua jimanka ampuaka sesï irekani tsípekua jinkuni.





UNIVERSIDAD DE
GUADALAJARA
Red Universitario e Investigación Benemérita de Jalisco



DOCTORADO EN
DERECHOS HUMANOS

